

# 卷二

書名 [唐詩品彙九十卷]拾遺十卷 嘉靖十六年序刊本  
 撰者 明 高棟 輯  
 卷 卷二  
 內容分類 集-總集-各代-唐  
 索書號 集部-總集-35  
 編號 D7841100

彩色首頁1

東洋文化研究所漢籍目錄 編號: D7841100

東洋文化研究所漢籍目錄所藏漢籍善本文影像資料庫 索書號: 集部-總集-35

漢籍善本文影像資料庫文本 [唐詩品彙九十卷]拾遺十卷 嘉靖十六年序刊本

版權所有: 東京大學 東洋文化研究所

使用上的注意事項

唐詩品彙卷之一

五言古詩

正始上

太宗皇帝 五首

新寧高棟編

幸武功慶善宮賦

上所生之宮也貞觀六年幸之宴從臣賞賜間

里同漢沛宛帝歡甚賦詩起居郎呂才  
 彼之管絃為功成慶善樂名九功之舞

丘唯舊跡豐邑乃前基  
 粵子承累聖縣弧亦在茲

際逢運改提劍鬱匡時  
 指麾八荒定懷柔萬國夷

盛入款駕海亦來思  
 單于陪武帳日逐衛文螭

竚奉朝四岳無為任百司  
 霜節明秋景輕冰結水湄

唐詩品彙拾遺卷之二

新寧高棟編

五言古詩下

劉長卿 五首

寄李侍御

舊國人未歸  
芳洲草還碧  
年年湖上春  
悵望江南客  
驄馬西入關  
白雲獨何適  
相思烟水外  
惟有心不隔

橫龍渡

空傳古岸下  
曾見蛟龍去  
秋水晚沉沉  
猶疑在深處  
亂聲沙上石  
倒影雲中樹  
獨見一扁舟  
樵人往來渡  
送裴四判官  
赴河西軍試

吏道豈易愜如君誰與儔逢時將騁驥臨事無全牛  
鮑叔宰相知田蘇嬖同遊英姿挺孤秀清論含九流  
出塞佐持簡辭家擁鳴騶憲臺貴公舉幕府資良籌  
武士佇明試皇華難久留陽關望天盡洮水令人愁  
萬里看一鳥曠然烟霞收晚花對古戍春雪寒邊州  
道路雖輒隔音塵仍可求他時相望處明月西南樓  
奉使新安自桐廬縣嚴陵釣臺宿七里灘  
下寄使院諸公

悠然釣臺下懷古時一望江水自潺湲行人獨惆悵  
新安從此始桂楫方蕩漾迴轉百里間青山千萬狀  
連崖去不斷對嶺遙相向夾岸黛色秋沉沉綠波上

夕陽留古木水鳥拂寒浪月下扣舷聲烟中採菱  
猶未爲歸東未暇依清曠牽役徒自勞近名非所  
何時故山裏却醉松花釀回首唯白雲孤舟復誰訪

早春贈別趙居士還江左時長卿下第歸

嵩陽舊居

塵

見君風塵裏意出風塵外自有滄洲期含情十餘載  
深居鳳城北日預龍華會果得僧家緣能遺俗人態  
一身今已適萬物知何愛悟法電已空看心水無礙  
且將窮妙理兼欲尋勝槩何獨謝客遊當為遠公輩  
放舟馳楚郭負杖辭秦塞目送南飛雪令人想吳會  
遙思舊遊處髣髴疑相對夜火金陵城春烟石頭瀨

滄波極天末萬里明如帶一片孤客帆飄然向青霄  
楚天含江氣雲色常靈靈隱見湖中山相連數州內  
君行意可得全與時人肯歸路隨楓林還鄉念蓴菜  
顧予尚羈束何幸承眄睐素願徒自勤清機本難逮  
累年忝賓薦末路逢沙汰濩落名不成徘徊意空大  
逢時難貴達守道甘易退逆旅鄉夢頻春風客心碎  
別君日已遠離念無明晦予亦返此荆山田事耕耒

錢起

五首

雨中望海上懷鬱林觀中道侶

山觀海頭雨懸森動烟樹只疑蒼茫裏鬱鳥欲飛去  
大塊怒天吳驚潮蕩雲路羣真儼盈想一葦不可渡

關中亦城期願假輕鴻馭

廣德初鑾駕出關後登高愁望

長安不可望望處邊愁起輦轂混戎夷山河空表裏  
黃雲壓城闕斜照移烽壘漢幟遠成霞胡馬來如蟻  
不知涿鹿戰早晚蚩尤死渴日候河清沉憂催暮齒

海畔秋愁

匡濟難道合去留隨興牽偶為謝客事不願平子田  
魏闕首翹楚此身長棄捐箕裘空在念拙拙誰推賢  
無用即明代養痾仍壯年日夕望佳期帝鄉路幾千  
秋風晨夜起零落愁芳荃

過沈氏山居

雞鳴孤烟起靜者能卜築喬木出雲心閑門掩山腹  
貧交喜相見把臂懽不足空林留宴言永日清耳目  
泉聲冷樽俎荷氣香童僕往往仙犬鳴樵人度深竹  
酒酣出谷口世網何羈束始願今不從區區折腰祿

羅章陵令山居過中峯道者

丘壑趣如此暮年始棲隱賴遇無心雲不笑歸來晚  
鳴鳩拂紅枝初服傍清吹昨日山僧來猶嫌嘉道淺  
託君紫陽家路滅心更遠梯雲創其居抱犢上絕巘  
杏田溪一曲霞徑峰幾轉跂石揖飛泉謝公應在眼  
願言攜手去採藥長不返

皇甫冉

屏風上各賦一物得携琴客

不是向空林應當就磐石白雲知隱處芳草迷行迹  
如何祇役心見尔携琴客

寄高雲

南徐風日好悵望毗陵道毗陵有故人一見恨無因  
獨戀青山久唯令白髮新每嫌持手板時見着頭巾  
烟景臨寒食農親接仲春家貧仍嗜酒生事今何有  
芳草遍江南勞心意携手

雜題

與張補闕王鍊師自徐方清路同舟  
南下直願寺留別趙員外裴補闕

賦同

朝朝春事晚泛泛行舟遠淮海思無窮悠揚烟景中

幸將仙子去，復與故人同。  
高枕隨流水，輕帆任遠風。  
鍾城野寺迥，草色故城空。  
送別高臺上，徘徊共惆悵。  
懸知白日斜，定是猶相望。

曾東遊以詩寄之

出郭離言多，迴車始知遠。  
寂然曾城暮，更念前山轉。  
總轡越城阜，浮舟背梁苑。  
朝朝勞延首，往往若在眼。  
落日孤雲還，邊愁迷楚關。  
如何椒花發，復對遊子顏。  
古寺杉柵裏，連檣洲渚間。  
烟生海西岸，雲見吳南山。  
驚風掃蘆葦，翻浪連天白。  
正是揚帆時，偏逢江上客。  
由來許佳句，况乃愜所適。  
羨我天姥峰，翠色春更碧。  
氣樓湖上雨，月淨剡中夕。  
釣艇或相逢，江灘又堪摘。

迢迢始寧野，燕沒謝公宅。  
朱槿列摧墉，蒼苔徧幽石。  
顧予任疎懶，期尔振羽翮。  
滄洲未可行，須售金門策。

韓羽三首

送李明府赴滑州

渭城寒食罷，送客歸鳥道。  
鳥帽背斜暉，青驪踏春草。  
酒醒孤燭夜，衣冷千山早。  
去事沈尚書，應憐詞賦好。

送客游江南

桂水隨去遠，賞心知有餘。  
衣香楚山橘，手膾湘波魚。  
芳芷不共把，浮雲悵離居。  
遙想汨羅上，弔屈秋風初。

送李司直赴江西使幕

欽板辭漢庭，進帆歸楚幕。  
五江城上轉，九里人家泊。

好酒近宜城能詩謝康樂雨晴西山樹日出南昌郭  
竹露點衣巾湖烟濕高鑰主人蒼玉佩後騎黃金絡  
高枕領八州相期同一鶚行當報已知從此飛寥廓

盧綸二首

同吉孚夢桃源

夜靜春夢長夢逐仙山客林園蒲芝朮雞犬傍籬柵  
幾處花下人看余笑頭白

送道士郗彝素歸內道場

病老正相仍忽逢張道陵羽衣風淅淅僊貌玉稜稜  
叱我問中壽教人祈上昇樓居五雲裏幾喚武皇登

姚係二首

秋夕會友

倦容易相失懼遊無良晨忽然一夕間稍慰闔家貧  
白露下庭梧孤琴始悲辛迴風入幽草蟲響滿四隣  
會遇更何時持杯重慙慙

楊叅軍庄送宇文邈

秋雲冒原隰野鳥滿林聲愛此田舍事稽君車馬程  
離堂慘不喧脉脉復盈盈蘭葉一經露香消為贈輕  
燈光耿方寂虫思隱逾清相望忽無際如含江水清

陳存一首

送劉秀才南歸

為別楊柳垂此別千萬里古路入南山春風生灞水

六唐詩選卷六  
六十一  
停車落日在罷酒離人起蓬戶寄龍沙送歸情詎已

嚴維一首

送丘為下第歸蘇州

滄江一身客獻賦空十年明主豈能好今日誰舉賢  
國門稅征駕旅食謀歸旋皦日媚春水綠蘋香客舫  
無媒既不達余亦思歸田

僧皎然一首

奉陪陸使君長源裴端公樞春遊虎丘寺

雲水夾雙刹遙疑涌平陂入門見藏山元化何由窺  
曳組探詭恠停驂訪幽竒情高氣為爽德煖春亦隨  
瑤草自的皦蕙樓爭蔽虧金精發壞陵劒彩沈靈池

一覽西天界中峯步未移應喜生公石列坐援松枝

李端一首

折楊柳

東城攀柳葉柳葉低着草少壯莫輕年輕年有人老  
柳發遍川崗登高堪斷腸雨烟輕漠漠何樹近君鄉  
贈君折楊柳顏色豈能久上客莫沾巾佳人正回首  
新柳送君行古柳傷君情突兀臨荒渡淒淒出舊營  
隋家兩岸盡陶宅五株平日暮偏愁望春山有鳥聲

顧況四首

謝王郎中見贈琴鶴

此琴等焦尾此鶴方胎生赴節何徘徊感物自弁



獨立江海上一彈天池清朱絃動瑤華白羽飄玉京  
因相羨門葦眇然四體輕子喬翔鄧林王母遊層城  
忽如啓靈署鸞鳳相呼鳴何由玉女牀去食琅玕英

○長安寶明府後亭

君為長安令我羨長安政五日一朝天南山對明鏡  
鳥飛青苔院水木相輝映客至南薰鄉絲桐展歌詠  
吏人何肅肅終歲無喧競欲識明府賢邑中多百姓

和翰林吳舍人兄弟西齋

君家誠易知易知復難同新裁一尺詔早入明光宮  
西齋何其高上與星漢通永懷洞庭石春色相玲瓏  
又懷巴峽泉夜苦君絲桐信是怡神所迢迢葦華蒿

鳥飛晴雲滅壘嶂盤虛空君家誠易知易知意難窮

從江西至彭蠡入浙西淮南界道中寄齊

相公

大賢舊丞相作鎮江上雄自鎮江上來何人得如公  
處士待徐孺仙人期葛洪一身控上游八郡趨下風  
比屋除畏溺林塘曳烟虹生人罷虔劉井稅均以充  
大府肅無事歡言接悲翁心清百丈泉目送孤飛鴻  
數年鄱陽椽抱責稊微躬首陽及汨羅無乃偏其衷  
楊朱并阮籍未免哀途窮四賢雖得仁此怨何怱怱  
老氏齊寵辱於陵一窮通本師留度門平等寃親同  
能依二諦法了蓮三輪空真境靡方所出則内外中

無邊盡未來定惠雙脩功蹇步慙寸進飾裝隨轉蓬  
朝行楚水陰冬宿吳洲東吳洲覆白雲楚水飄丹楓  
晚霞燒迴潮千里光瞳瞳莫開海上影桂吐淮南叢  
何當翼明庭草木生春融

李益 三首

賦得早燕送別

碧草漫如線去來雙飛燕長門未有春先入班姬殿  
梁空繞復息簷寒窺欲遍今至隨紅藥昔還悲素羽  
一別與秋鴻差池詎相見

蓮塘驛

五月渡淮水南行遠山陂江村遠鷄應竹裏聞綠絲

楚水肌髮美蓮塘烟露滋菱花覆碧渚黃鳥雙飛時  
渺渺汧回遠憑風託微詞斜光動流睇此意難自持  
女歌本輕艷客行多怨思女蘿蒙幽蔓擬上青桐枝

入華山訪隱者經仙壇

三考西岳下官曹少休沐久負青山講今還獲所欲  
常聞玉清洞金簡受玄錄夙駕升天行雲霞恣遊宿  
平明矯輕策捫石入空曲征人古石壇苔遶青瑤局  
陽桂凌烟紫陰蘿冒水綠隔山聞丹經懸泉注明玉  
前驚羽人會白日天居肅問我將致辭嘆之自相目  
竦身雲霧起仰見雙白鵠墮其一紙書文字類鳥足  
視之了不識三返文三復歸來問方士舉世莫能讀

何必若蜉蝣然後為跼促鄙哉宦遊子身志俱降辱  
再往不及期勞歌叩山木

朱灣一首

七賢廟

常慕高士放心日沉冥湛然對一壺土木為我形  
下馬訪陳迹披榛詣荒庭相看兩不言猶謂醉未醒  
長嘯或可擬幽琴難再聽同心不共世空見鮮門青

暢當一首

宿報恩寺精舍

鐘林送沉景星多露漸光風中蘭靡靡月下樹蒼蒼  
夜幾若山橫深松如澗涼羸然虎溪子逢我一虛床

空寂舍濛濛蓮柱香擁榻依西壁紗燈靄中央  
揚衡一首

宿陟岵寺雲律師院

象宇鬱參差寶珠躑復密中有弥天子燃燈坐虛室  
心澄紅蓮喻跡翳青琅律玉鑪揚翠烟金經開縹帙  
肆陳堅固學破我夢幻質碧水洒塵纓涼風當夏日  
宿禽詎相保迸火烟欲失願迴戚促勞趨隅事休逸

于鵠一首

寄盧儼員外秋衣詞

寄遠空以心心誠亦難知篋中有秋帛裁作遠客衣  
縫製雖女工尺度手自持容貌常目中長短不復疑

斜縫密且堅遊客多塵緇意欲都無言  
澣濯耐歲時殷勤託行人傳語慎勿遺  
別來已年老亦聞髮成絲縱然更相逢  
握手唯是悲所寄莫復棄願見長相思

德宗皇帝一首

三日書懷因示百僚

佳節上元已芳時屬暮春流觴想蘭亭  
捧劍傳金人風輕水初綠日晴花更新  
天文信昭回皇道頗敷陳恭已每從儉  
清心常保真戒茲遊衍樂書以示羣臣

已上係中唐之詩

權德輿三首

竹徑偶然作

退朝此休沐閉戶無塵氛支策入幽徑  
清風隨此君琴觴恣偃傲蘭蕙相芬蓋  
幽賞方自適林西烟景曛

初秋月夜中書宿直因呈楊閣老

欹枕直廬暇風蟬迎早秋沉沉玉堂夕  
皎皎金波流對掌喜新命分曹諧舊遊  
相思翫華彩因感庾公樓

奉和聖製仲春麟德殿會百寮觀新樂

仲月諳芳景內庭宴群臣森列千戚濟  
濟趨鈞陳大樂本天地中和序人倫正  
聲遠咸洽易象合義文玉組映朝服金  
鉶明舞袖韶光雪初霽聖藻風自薰  
時泰恩澤溥功成行綴新賡歌仰昭回  
竊比華封人

武元衡三首

奉和聖製豐年多慶九日示懷

令節寰宇泰神都佳氣濃廣歌禹功盛擊壤堯年豐  
九奏碧霄裏千官星澤中南山澹疑黛曲水清涵空  
金玉美王度歡康謠國風睿文垂日月永與天無窮

奉和聖製重陽日即事六韻

玉燭降寒露我皇歌大風重陽德澤振萬國歡娛同  
綺陌擁行騎香塵凝曉空神都自藹藹佳氣助葱葱  
律呂金石暢景光天地通徒然被鴻霈無以報玄功

奉酬李十尚書大使西亭暇日書懷見

寄十二韻之作

鼎鉉昔云忝西南分主憂烟塵開轡道旌節護靈輿  
任重功不立力微恩未酬據鞍慙齒髮青歸懼春秋

高德聞鄭履儉居稱晏裘三刀君入夢九折我迴輶  
時景晏遷易茲馬期退休方追故山事豈謂台階留  
遐揖清靜理春言蘭杜幽一緘瓊玖贈萬里別離愁  
巴嶺雲外沒蜀江天際流懷賢耿遙思相望鳳池頭

李夷簡一首

西亭暇日書懷十二韻獻上武元衡相公

勝賞不在遠無然合宜搜茲亭有殊致經始富人侯  
澄澹分沼止縈迴間林丘荷香奪芳麝石溜當鳴球  
撫俗來康濟經邦去咨謀寬明洽時論惠愛聞忙謳  
代斲豈容易守成獲優游文翁舊學校子產昔田疇  
琬琰富佳什池臺想舊遊誰言矜改作曾是日增脩

憲省忝陪屬岷峩嗣徽猷提携當有路勿使滯刀州

劉禹錫三首

華清宮詞

日出驪山東徘徊照溫泉樓臺相玲瓏稍稍開白烟  
言昔太上皇常居此祈年風中聞清樂往往來列仙  
翠華入五雲紫氣歸上玄哀哀生人淚泣盡以劍前  
聖道本自我凡情徒顛然小臣感玄化一望青冥天

送華陰尉張茗赴邕府使幕

張即燕公之孫頂坐事除

名

昔忝南宮即往來東觀頻堂披燕文傳借若窺三衣  
羽聖崇國本保賢正朝倫高視緬今古清風多夏無隣



蘭錡照通衢一家十朱輪鄮國嗣侯絕為卿貴業貧  
夫子承大名少年振芳塵青袍仙掌下矯首陵烟旻  
公治本非非潘郎一為民風霜苦搖落堅白無緇磷  
一旦逢良時天光燭幽淪重為長裾客佐彼觀風臣  
分野窮禹畫人烟過虞巡不言此行遠所樂相知新  
雨起巫山陽鳥鳴湘水濱離筵出 別曲多悲辛  
今朝一杯酒明日千里人從此孤舟去悠悠天海春

送湘陽熊判官孺登府罷歸鍾陵因寄呈

江西裴中丞二十三兄

射策志未就從事府云除篋留馬卿賦袖有劉弘書  
忽見夏木深悵然憶吾廬復持州民刺歸謁專城居

君家誠易知勝絕傾里閭人言北郭生門有卿相與  
鍾陵諳千里帶郭西江水朱檻照河宮旗亭綠雲裏  
前年初缺守慎簡由宸宸臨軒奏郡章得人方付此  
是時左馮翊天下第一理貴臣持牙璋優詔發青紙  
迎風奸吏免先令疲人喜何武劾腐儒陳藩禮高士  
昔昇君子堂腰下綬猶黃中丞時為  
萬年尉  
重多奇鉉束簡下曲臺佩鞶來歷陽綺筵陪一笑蘭  
室龍馥芳風水忽異勢江湖遂相忘因君倘借問作  
倘有為話老滄浪

李正封

夏遊招隱寺暴雨晚晴

竹栢風雨過蕭疎臺殿涼石渠瀉奔溜金刹照頽陽  
鶴飛岩烟碧鹿鳴澗草香山僧引清梵幡蓋遶回廊

張籍三首

野居詩

貧賤易為適荒郊亦安居端坐無餘思彌樂古人書  
秋田多良苗野水多遊魚我無耒與網安得充廩廚  
寒天白日短簷下暖我軀四支漸寬柔中腸鬱不舒  
多病減志氣為客足憂虞况復苦時節覽景獨踟躕

西州詩

羗胡據西州近甸無邊城山東收稅租養我防塞兵  
胡騎來無時居人常震驚嗟我五陵間農者罷耒耕

邊頭多煞傷士卒難全形郡縣發丁役丈夫各征行  
生男不能養懼身有姓名良馬不念秣烈士不苟營  
所願除國難再逢天下平

王建一首

○泛水曲

載酒入烟浦方舟泛綠波子酌我復飲子飲我復歌  
蓮深微路通峯曲幽氣多閱方無留瞬弄桂不停柯  
水上秋月鮮西山碧我我茲歡良可貴誰復更來過

呂溫一首

衡州送李丘曹赴湘東

慷慨視別劍淒清泛離琴前程楚塞斷此別洞庭深

文字久已廢循良非所任期君碧雲上千里一揚音

孟郊 五首

夢澤中行

楚山爭蔽虧白日無全輝楚路多迴感旅人有迷歸  
騏驥思北首鷓鴣願南飛我懷京洛遊未厭風塵衣

送清遠上人歸楚山舊寺

波中出吳境霞際登楚岑水寺一別來雲蘿三改陰  
詩誇碧雲句道證青蓮心應懼萍沅者不如松隱深

夜集汝州郡齋聽陸僧辨彈琴

康樂寵詞客清宵意無窮徵文北窓外借月南樓中  
千里愁併盡一樽懽暫同胡為憂楚瑟浙瀝起寒風



贈裴樞端公

君子量不極。胸吞百川流。嫉邪霜氣直。問客春辭柔。  
日戶書暉靜。月盃宵景幽。詠驚芙蓉發。嘯激風飈秋。  
鸞步獨無侶。鶴音清寡儔。幸霑分寸顧。散此千萬憂。

聽琴

颯颯微雨收。翻翻桐葉鳴。月沉亂峯西。寥落三四星。  
前溪忽調琴。隔水寒琤琤。聞彈正弄聲。不敢枕上聽。  
迴燭整頭簪。漱泉立中庭。定步履齒深。久貌禪目冥。  
微風吹衣襟。猶認宮徵聲。學道三十年。未免憂死生。  
聞彈一夜中。會盡天地情。

歐陽詹 一首

春日途中寄故園所親

客來度年華。故園未云返。悠悠去源水。日日只有遠。  
始嘆秋葉零。又看春草晚。寄書南飛鴻。相憶劇鄉縣。

白居易 一首

立秋夕涼風忽至炎暑稍消即事詠懷寄

汴州節度使李二十尚書

嫋嫋簷樹動。好風西南來。紅缸霏微滅。碧幌飄飄開。  
披襟有餘涼。拂簟無纖埃。但喜煩暑退。不惜光陰催。  
河秋稍清淺。月午方徘徊。或行或坐卧。體適心悠哉。  
美人在浚都。旌旗繞樓臺。雖非滄濱阻。難見如蓬萊。  
蟬迎節又換。鴈送書未迴。君位日寵重。我年日摧頽。

無因風月下一共平生盃

元稹 三首

分流水

古時愁別淚滴作分流水日夜東西流分流水幾千里  
通塞兩不見波瀾各自起與君相背飛去去心如

清都夜境

夜久連觀靜斜月何晶燦寒天如碧玉歷歷細華星  
樓樹自陰映雲牖深冥冥纖埃悄不起玉砌寒光清  
棲鶴露微影枯松多恠形南廂儼容衛音響如可聆  
啓聖發空洞朝真趨廣庭闐闐藥珠殿暗闕金字經  
屏氣動方息凝神心自靈悠悠車馬上浩思安得寧

四皓廟

巢由昔避世堯舜不得臣伊呂雖急病湯武乃可君  
四賢無為者千載名氛氲顯晦有遺跡前後疑不倫  
秦政虐天下黷武窮生民諸侯戰必死壯士眉亦頰  
張良韓孺子椎碎屬車輪遂令英雄意日夜思報秦  
先生相將去不復嬰世塵雲卷在孤岫龍潛為小鱗  
秦皇轉無道諫者鼎鑊親茅焦脫衣諫先生無一言  
趙高殺二世先生如不聞劉項爭天下先生游白雲  
海內八年戰先生全一身漢業日已定先生名亦振  
不得為濟世宜哉為隱淪如何一朝起屈作儲貳賓  
安存孝惠帝權賴戚夫人捨大以謀細虬蟠而蠖伸

惠帝竟不嗣呂氏禍有因雖懷安劉志未若周與陳  
皆落子房術先生道何屯此處貴明白故吾今有云

鮑溶一首

塞上

朔風號薊門殺氣日夜興咸陽三千里鉄馬如飢鷹  
行子久去鄉見山不敢登寒日慘大野虜雲若飛鵬  
西北防秋軍麾幢宿層冰匈奴天未喪戰鼓長騰騰  
漢卒馬上老樊纓空絲繩誠知天所驕欲罷又不能

姚合一首

架上藤

濛濛紫花藤下覆清溪水若遣隨波流不如風飄起

風飄或近人隨波千萬里

陳陶二首

遊子吟

栖鳥喜林曙驚蓬傷歲闌關河三尺雪何處是天山  
朔風無重衣僕馬飢且寒慘戚別妻子逶迤出門難  
男兒值休明豈是長泥蟠何者為木偶何人待金鑿  
鬱悒守貧賤悠悠亦無端進不圖功名退不處岩壑  
窮通在何日光景如跳丸富貴若不早令人摧心肝  
誓期春之陽一振摩霄翰

送沈次魯南遊

高臺贈君別滿握軒轅風落日一揮手金鵝雲雨空

鰲洲石梁外，劔浦羅浮東。茲興不可接，條條烟際鴻。  
溫庭筠 二首

鄠郊別墅寄所知

持願望平綠，萬景集所思。南塘遇新雨，百草生容姿。  
幽鳥不相識，美人如何期。徒然委搖蕩，惆悵春風時。  
和沈參軍招友生觀芙蓉池

桂棟坐清曉，瑤琴商鳳絲。况聞楚澤香，適與秋風期。  
遂從棹萍客，靜嘯烟草湄。倒影迴澹蕩，愁紅媚漣漪。  
相莖久鮮澁，宿雨增離披。而我江海意，楚遊動夢思。  
北渚水雲蔓，南塘烟露枝。豈亡臺榭芳，獨與鷗鳥知。  
珠墜魚迸淺，影多鳧泛遲。落英不可搦，返照昏澄陂。

劉駕 一首

釣臺懷古

澄流可濯纓，嚴子但垂綸。孤坐九層石，遠笑清渭濱。  
潛龍飛上天，四海豈無雲。清氣不零雨，安使澆埃塵。  
我來吟高風，彷彿見斯人。江月尚皎皎，江石亦磷磷。  
如何臺下路，明日又迷津。

陸龜蒙 一首

別離曲

丈夫非無淚，不洒離別間。仗劍對樽酒，耻為游子顏。  
蝮蛇一螫手，壯士疾解腕。所思在功名，離別何足歎。

任翻 一首

洛陽道

憧憧洛陽道塵下生春草行者豈無家無人在家老  
雞鳴前結束爭去恐不早百年路傍盡白日車中曉  
求富江海狹取貴山嶽小二端立在途奔走無由了  
已上係晚唐之詩

唐詩品彙拾遺卷之二

唐詩品彙拾遺卷之三目錄

七言古詩

長孫無忌 李康成 盧照隣 薛曜

司馬逸客 喬知之 宋之問 武三思

張柬之 王諲 張說 許景先 王翰

王泠然 賀知章 孫逖 萬齊融 蔡孚

韋應物 劉長卿 馮著 錢起 李嘉祐

釋皎然 李端 顧况 李益 張建封

楊巨源 劉禹錫 孟郊 李紳 白居易

陳陶 溫庭筠 李群玉 陸龜蒙